

**O B A V J E Š T E N J E**  
**o dopuni elektronskih kartica za JGP za novembar 2023. godine**

Obavještavamo sve kategorije korisnika, izuzev penzionera, da će **dopuna elektronskih kartica za javni gradski prevoz za novembar početi u srijedu, 01.11.2023. godine.**

Napominjemo da će korisnici radničkih iskaznica od 1. novembra ove godine za prevoz koristiti isključivo elektronske kartice, te su od ovog mjeseca obavezni vršiti i njihovu dopunu. Radnici koji nisu izradili elektronsku karticu za prevoz mogu to učiniti na prodajnim mjestima Ilidža, Otoka i Ćumurija svakim radnim danom od 07:00 – 15:00 sati, a za isto je potrebno dostaviti jednu fotografiju i sljedeće podatke korisnika: ime i prezime, datum rođenja, adresu i općinu stanovanja, te relaciju putovanja.

Obavještavaju se učenici osnovnih i srednjih škola, kao i redovni studenti koji su izvršili dopunu kartica za prevoz početkom nove školske odnosno akademske godine da ista važi do 31.12.2023. godine, a oni koji nisu dopunili kartice dužni su to učiniti što prije kako bi mogli neometano koristiti javni gradski prevoz.

**Dopuna elektronskih kartica za prevoz penzionera početak će 06.11.2023. godine,** a dopuna istih za prethodni mjesec važi do 10. novembra. Pensioneri sa najnižim iznosom penzije dopunu kartice će izvršiti na period od šest mjeseci, a ostali penzioneri dopunu kartica mogu izvršiti za jedan ili dva mjeseca. Prilikom dopune, pored elektronske kartice, penzioneri trebaju donijeti posljednji ček od penzije i ličnu kartu na uvid.

**Korisnici koji plaćaju dopunu elektronskih kartica dužni su sačuvati račun o izvršenoj dopuni, dok učenici srednjih škola, redovni studenti i penzioneri sa najnižim iznosom penzije trebaju sačuvati potvrdu za prevoz koju dobiju prilikom dopune elektronske kartice, a radi neometanog korištenja prevoza kod oba prevoznika.**

Korisnici javnog gradskog prevoza koji posjeduju elektronske kartice obavezni su prilikom svakog ulaska u vozilo izvršiti validaciju svoje vožnje, dakle potrebno je karticu prisloniti na validator u vozilu kako bi imali ispravnu voznu kartu, odnosno plaćenu vožnju.

Dopuna elektronskih kartica vrši se prodajnim mjestima GRAS-a: Ćumurija, Otoka, Ilidža, Dobrinja, Nedžarići, Hadžići i Vogošća.

Prodajna mjesta Ćumurija, Otoka i Ilidža radnim danima do 06. novembra radit će produženo od 07:00 – 16:30 sati, a od 07. novembra do kraja mjeseca od 07:00 – 15:00 sati.

Prodajna mjesta Dobrinja, Nedžarići, Hadžići i Vogošća radnim danima rade od 07:00–15:00 sati.

**Sva prodajna mjesta GRAS-a u subotu, 04.11.2023. godine radit će od 08:00 – 13:30 sati.**